



REPUBLIKA E SHQIPËRISË

ENTI RREGULLATOR I ENERGJISË

Bordi

VENDIM

Nr. 15, Datë 31.01.2019

MBI

**LICENCIMIN NË AKTIVITETIN E TRANSMETIMIT TË GAZIT NATYROR, TË
TRANS ADRIATIC PIPELINE AG ALBANIA, E RREGJISTRUAR PRANË QKB, SI
DEGË E SHOQËRISË SË HUAJ AKSIONARE (SH.A), TRANS ADRIATIC PIPELINE
AG**

Në mbështetje të nenit 4, pika 50; nenit 22, pika 2 gërma “a” dhe nenit 35 të Ligjit nr. 102/2015, datë 23.09.2015 “Për Sektorin Gazit Natyror”, si dhe nenit 4, pika 1, gërma “a”; nenit 5; nenit 8; nenit 9 pika 1, gërmat “a”, “b”, “c”, “d”, “e”; pika 2, gërma “a” dhe nenit 10 dhe 11, të “Rregullores për procedurat dhe afatet për dhënien, modifikimin, transferimin, rinovimin dhe heqjen e licencave në sektorin e Gazit Natyror”; nenit 15 të “Rregullores për Organizimin, Funksionimin dhe Procedurat e ERE-s”, miratuar me Vendimin e Bordit nr. 96, datë 17.06.2016, Bordi i ERE-s, në mbledhjen e tij të datës 31.01.2019, mbasi shqyrtoi relacionin mbi licencimin në aktivitetin e transmetimit të gazit natyror, të Trans Adriatic Pipeline AG Albania, e rregjistruar pranë QKB, si Degë e shoqërisë së huaj aksionare (sh.a), Trans Adriatic Pipeline AG,

Konstatoi se:

- Subjekti Trans Adriatic Pipeline AG, me shkresën Nr. 803 Prot, datë 24.12.2018 ka paraqitur pranë ERE-s, aplikimin për t’u pajisur me licencë në aktivitetin e Transmetimit të Gazit Natyror.
- Bordi i ERE-s me Vendimin Nr.1, datë 09.01.2019, vendosi “Fillimin e Procedurës për licencimin e shoqërisë Trans Adriatic Pipeline AG në aktivitetin e transmetimit të gazit natyror”.
- Në vijim të kësaj vendimmarrje ERE me komunikimin e datës 10.01.2019, dërgoi pranë subjektit njoftimin e fillimit të procedurës si dhe mbi mungesën e dokumentacionit të konstatuar në aplikim në fillimin e procedurës. Po ashtu me shkresën nr. 32, datë 11.01.2019, bëri njoftimi në median e shkruar për fillimin e kësaj procedure dhe me shkresën nr. 34, datë 14.01.2019, dërgoi pranë subjektit dhe palëve të interesit njoftimin e vendimit.

- Ligji Nr.102/2015 “Për Sektorin e Gazit Natyror”, vendos ERE-n në cilësinë e autoritetit përgjegjës për çështjet e rregullimit të sektorit të gazit natyror përfshirë të drejtën për të trajtuar çështjet që lidhen me licencimin e subjekteve në aktivitetet e rregulluara të gazit natyror.
- Bordi i ERE-s me vendimin nr. 36, datë 31.03.2016, ka miratuar Çertifikimin përfundimtar të TAP AG si operator i pavarur i transmetimit të gazit natyror.
- “Rregullorja për procedurat dhe afatet për dhënien, modifikimin, transferimin, rinovimin dhe heqjen e licencave në sektorin e gazit natyror”, në nenin 9 pika 2 gërma ”a” të saj vendos kushtin se: *Subjekti që aplikon për një licencë në transmetimin e gazit natyror, duhet që më parë të çertifikohet sipas procedurës së përcaktuar në nenin 37 të Ligjit nr. 102/2015, “Për Sektorin e Gazit Natyror”*. Siç cituar me lart aktualisht TAP AG me Vendimin nr. 36, date 31.03.2016, është çertifikuar si operator i pavarur i gazit natyror.
- Trans Adriatic Pipeline AG Albania rezulton e rregjistruar pranë QKB, si Degë e shoqërisë së huaj aksionare (sh.a), konform Ligjit Nr. 9723, datë 03.05.2007 “Për Qendrën Kombëtare të Rregjistrimit”, me numër përkatës identifikimi. Referuar të dhënave të rregjistruara në Rregjistrin tregtar për të dhënat e subjektit për degët ose zyrtarët e përfaqësimit të shoqërive të huaja, rezulton në cilësinë e përfaqësuesit z. Malfor Nuri.
- Aktiviteti i TAP AG Albania sipas ekstraktit të QKB, konsiston në:
 - Të veprorë në përputhje me objektivat e shoqërisë të cilat janë të lidhura me planifikimin, zhvillimin dhe të zotërojë pronësinë ligjore të një linje tubacion gazi si dhe të çdo paisje të përfshirë në të.
 - Dega mund të angazhohet në çdo aktivitet tregtar financiar ose aktivitete të tjera të cilat janë në përputhje me objektivat e Shqipërisë.
 - Objekt i veprimtarisë është : *Operimi si operator i pavarur i transmetimit të gazit natyror në përputhje me parashikimet e Ligjit nr. 102/2015, datë 23.09.2015 “Për Sektorin e Gazit Natyror”*,
- Nga vlerësimi që i’u bë dokumentacionit të depozituar në ERE nga TAP Ag, në bazë të “Rregullores për procedurat dhe afatet për dhënien, modifikimin, transferimin, rinovimin dhe heqjen e licencave në sektorin e Gazit Natyror” subjekti ka plotësuar kryesisht dokumentacionin për aplikim si më poshtë:

Formati dhe dokumentacioni për aplikim:

Neni 9, pika 1:

- gërma ”a” (tipi i aplikimit) **Plotësuar;**
- gërma ”b” (informacion i përgjithshëm për aplikantin) **Plotësuar;**
- gërma ”c” (të dhënat mbi aplikantin) **Plotësuar;**
- gërma ”d” (Dokumentacioni ligjor, administrativ dhe pronësor), **plotësuar si më poshtë:**
 - **pika “i” (Akti i rregjistrimit në QKB) Plotësuar;**

- **pika “ii”** (Vertetim nga organet kompetente qe ndaj personit juridik apo personave drejtues kryesor te shoqërisë nuk ka një vendim të formës së prerë për ndonje vepër penale.) **Plotësuar;**
- **pika “iii”** Ne rastin e subjekteve me nënshtetësi të huaj duhet të vërtetohet rezidenca shqipëtare e përfaqësuesit të shoqërisë dhe dëshmi penaliteti. **Plotësuar;**
- **pika “iv”** (Struktura organizative / lista e personelit). **Plotësuar**
- **pika “v”** (Identiteti i të gjithë personave që kanë interes pronësor tek aplikanti më të madh dhe të barabartë me 5 %). **Plotësuar;** (Ankesi 2.6.);
- **pika “vi”** (Dokumentacioni që tregon titujt e pronësisë mbi asetet që ka për të kryer funksionet ose plotësuar detyrimet nën licencën e kërkuar në territorin e Shqipërisë.) **Plotësuar pjesërisht.** *Subjekti informon se ka fituar të drejtat që lidhen me pronësinë për pronen me statusin tokë publike, kryesisht bazuar në Vendimet e Këshillit të Minsitrave dhe në raste të tjera duke i dërguar shkresë Ministrisë së Infrastrukturas dhe Energjisë mbi listën e parcelave shtetërore të ndikuara nga projekti i gazesjellesit Tap. Për raste të tjera subjekti ka realizuar marrëveshje vullnetare të cilat janë rregjistruar në rregjistrin e tokave në zyrat përkatëse të rregjistrimit të pasurive të paluajtshme. Sa i përket çertifikatës së pronësisë subjekti ka bërë me dije se ky dokument do të vihet në dispozicion sapo të mbyllet procesi në Zyrat vendore të Pasurive të paluajtshme pas përfundimit të punimeve ndërtimore të të gjithë infrastrukturës së gazesjellesit në territorin e Shqipërisë. Një listë gjithëpërfshirëse e parcelave të tokës të përdorura nga Tap me qëllim ndërtimin e gazesjellesit Tap në territorin e Shqipërisë është paraqitur në aplikim si pjesë e Aneksi 3.1. Lidhur me plotësimin pjesërisht të kësaj kërkesë të rregullores konsiderojmë të përtashme vendosjen e kushtit të paraqitjes së dokumentacionit të pronësisë jo më vonë se 12 muaj nga vendosja në oprim të gazjellesit.*
- **(Lejet dhe autorizimet mjedisore). Plotësuar.** – Lidhur me këtë pikë subjekti ka bërë me dije se në përputhje me Vendimin nr. 3, nr. 210 Prot të AFQ nga Ministria e Mjedisit, Pyjeve dhe Administrimit të Ujrave, nga Agjencia Kombëtare e Mjedisit, Drejtoria e Vlerësimit të Ndikimit në Mjedis dhe Lejeve Mjedisore, TAP-i ka marrë ‘Lejen mjedisore për ndërtimin dhe funksionimin e Gazsjellesit’ (VNMS) më 3 maj 2013. (Përcjelle në Aneksin 3.2.)

Neni 9 pika 1 gërma “e” (Dokumentacioni dhe Garancitë Finaciare dhe Fiskale).

Plotësuar. *Për qëllimet e kësaj kërkesë, TAP-i ka përfshirë çertifikatat e Regjistrimit Tatimor nga Administrata Tatimore e Kantonit të Zug-ut, çertifikate për mungesë Borxhi nga Zyra e Mbledhjes së Borxhit, Çertifikatë për Vërtetimin e Kontributeve të Sigurimeve Shoqërore, Çertifikate e Mungesës së Detyrimeve Tatimore nga Administrata Tatimore. Çertifikatat e lartpërmendura i janë*

bashkangjitur aplikimit ëe Aneksin 4.1 deri 4.4, si kopje të noterizuara dhe me vule apostile.

- i)* Deklarime të lëshuara prej autoriteteve përkatëse për shlyerjen e detyrimeve fiskale dhe sigurimeve shoqërore, në masën që këto detyrime janë plotësuar prej Aplikantit.**Plotesuar:** Me shkresat përkatëse datë 07.12.18 dhe 05.12.18, të njësuara me origjinalin me vulë apostile në të cilat deklarimet se subjekti nuk ka detyrime tatimore dhe gjithashtu ka shlyer të gjitha detyrimet për sigurimet shoqërore. Së fundmi me emailin e datës 29.1.2019 subjekti ka depozituar edhe urdher pagese për derdhjet e kontributeve të sigurimeve shoqërore dhe të detyrimeve tatimore për Degen e ngritur në Shqipëri,.
- ii)* Bilancet financiare të audituara nga një shoqëri auditi të akredituar për tre vitet e fundit përpara dorëzimit të Aplikimit.**Plotesuar.**

Paraqitur Pasqyrat Financiare të nënshkruara të TAP-it, së bashku me Raportet e Audituesve të akredituar për të tre vitet përpara dorëzimit të Aplikimit në ERE, përkatësisht për vitin 2015, 2016 dhe 2017 janë bashkëngjitur në Aneksit 4.5 deri 4.7 si kopje të noterizuara dhe me vule apostile.

Neni 9, pika 1 germa e,

- iii)* Garancitë e Përshtatshme Financiare (neni 4.1.c) dhe tregtare (neni 4.1.ç) dhe Garancia e Performancës që garantojnë aftësinë e Aplikantit lidhur me përmbushjen e detyrimeve të veta në kuadrin e Licensës së kërkuar, përfshirë por jo vetëm, largimin përfundimtar të plotë/pjesshëm të pajisjeve dhe/ose infrastrukturës dhe rehabilitimin e mjedisit si dhe mbështetjen menaxheriale, operacionale dhe financiare nga pronaret e Aplikantit. *Subjekti ka bërë me dije se nuk zbatohet për TAP-in kjo kërkesë. Lidhur me këtë informacion të Tap –it ky përjashtim vjen në kuadër të Marrëveshjes me Qeverinë Shqiptare (Host Government Agreement) të lidhur më datë 3 prill 2013 ndërmjet Republikës së Shqipërisë, përfaqësuar nëpërmjet Këshillit të Ministrave dhe TAP AG lidhur me projektin e gazësjellësit të Transadriatic Pipeline, përfshirë Vendimin e Këshillit të Misnitrave nr.233, datë 21.03.2017 “Për miratimin e marrëveshjes së angazhimit për zhvillimin e tregut të gazit dhe marrëveshjes për përfitimet vendase të lidhura ndërmjet republikës së Shqipërisë e cila vepron nëpërmjet KM dhe TAP Ag lidhur me projektin e gazësjellësit trans adriatic.*
- iv)* Sa i takon kërkesës për një çertifikatë sigurimi nga shoqëritë e sigurimit (që veprojnë në përputhje me legjislacionin shqiptar në fuqi) që vërteton mbulimin e demit nga lëndimet, ose në rastin e humbjes së jetës, ose të humbjes ose shkatërrimit të pronës, të shkatërruar ose

që vjen si pasojë e veprimtarisë së Aplikantit në kuadrin e licencës së kërkuar në nivel përgjegjësie me të ulët se 10 milion USD. Kjo policë ose këto polica sigurimi janë dhe mbeten në fuqi dhe veprim të plotë për të gjithë kohëzgjatjen e Licencës së kërkuar. Për më tepër, i Licencuari është përgjegjës për të gjitha dëmet që mund të vijnë si pasojë e veprimtarive të kryera gjatë afatit të Licencës. **Plotësuar.** *Depozituar Çertifikata e Sigurimit “SIGAL” Polica, datë 11.01.2019.*

v) (Vërtetimi i kryerjes së pagesës ndaj ERE, tarifë aplikimi) - **Plotësuar**, *evidentohet në Aneksin 4.8. dhe rezulton e kryer në datë 20.12.2018.*

vi) (Plan Biznesi...) **Plotësuar.** *Subjekti ka depozituar në ERE informacion rreth planit të tij të biznesit referuar operimit.*

vii) Nese Aplikanti ka për qëllim të përdorë një shoqëri menaxhimi për veprimtaritë e përditshme, ai **informon** ERE-n lidhur me këtë qëllim dhe lëshon një Garanci Performance për kryerjen e veprimtarive në mënyre të ndershme dhe besueshme nga ana e kësaj shoqërie menaxhimi. **Plotësuar.** *Referuar aplikimit, TAP-i nuk ka planifikuar angazhimin e një shoqërie menaxhimi për veprimtarinë e vet të përditshme. Kjo dispozitë nuk zbatohet për rastin e TAP-it.*

Dokumente specifike për llojin e licencës, është dorëzuar nga aplikanti sa më poshtë:

Neni 9 pika 2, gërma “a”:

Licenca për Transmetimin e Gazit Natyror;

a.1 Subjekti që aplikon për një licencë në transmetimin e gazit natyror, duhet që më parë të çertifikohet sipas procedurës së përcaktuar në nenin 37 të ligjit 102/2015 “Për Sektorin e Gazit Natyror”.

Plotësuar. *Për këtë pikë vlen të theksojmë faktin se sic cituar me lart TAP AG referuar vendimit të ERE nr. 36 datë 31.3.2016, është certifikuar si operator i pavarur i gazit natyror.*

a.2 Informacion me të dhëna të përgjithshme dhe teknike të projektit që përfshijnë sa vijon:

- i.** Vendndodhjen e instalimeve dhe gjurmën e tubacioneve përfshirë hartën Topografike për territorin ku do të ushtrojë aktivitetin. **Plotësuar.** – *Subjekti ka depozituar këtë dokumentacion me hartat përkatëse të cilat tregojnë instalimet dhe gjurmet, përfshirë edhe hartat topografike të projektit ku do të ushtroet aktiviteti. Kjo e dhënë në aneksin 5.3 vendodhja e instalimit.*
- ii.** Kapacitetin maksimal teknik të kontraktuar dhe të disponueshëm në të gjitha pikat e hyrjes (in take) në Sistem dhe të daljes (off take) prej Sistemit dhe ndërlidhjet e tij me rrjete të tjera të Transmetimit dhe Shpërndarjes, impiantet e magazinimit, prodhimit dhe терминаlet e GNL. **Plotësuar.** Subjekti ka deklaruar se ka dhënë detaje për kapacitetet e përmblendhura të rezervuara Autoriteteve Rregullatore, përfshirë dhe ERE-n, përmes raporteve të ecurisë të dorëzuara dy herë në vit. *(Informacion i evidentuar në Aneksin 2)*

- iii.** Volumet e projektuara ditore për tu përpunuar sipas vlerësimeve të Aplikantit. **Plotësuar.**
- iv.** Standardet teknike, presionet maksimale të projektuara, kërkesat e komprimimit dhe karakteristikat e tjera teknike të makinerive dhe pajisjeve teknike që do të instalohen. **Plotësuar.** *Të dhëna më të hollësishme për këtë pikë janë depozituar në aneksin 5.4 Lista e kodeve dhe standartet teknike.*
- v.** Presionet e punës të projektuara mbështetur në vlerësimet e Aplikantit. **Potësuar.** *Të dhënat për këtë pikë janë të përfshira në Aneksin 5 (5.1) në Network Code.*
- vi.** Kategoritë dhe lista e konsumatorëve si dhe livrimet e parashikuara. **Plotësuar.** *Për këtë pikë subjekti ka dhënë të njëjtën përgjigje si për pikën (ii).*
- vii.** Vendndodhjet e matësve dhe specifikimet. **Plotësuar.** *Për këtë subjekti ka dhënë spaqrimet përkatëse referuar përcaktimeve të Kodit të Rrjetit të TAP AG., të evidentuara në mënyrë më të detajuar në Aneksin 5.1. të aplikimit.*
- viii.** Vendndodhjet e kontrollit të cilësisë së gazit. **Plotësuar.** *Subjekti ka bërë me dije se sipas seksionit 17 të Projekt Kodit të Rrjetit të TAP-it, mbi sasinë dhe cilesinë matjen e gazit natyror të furnizuar, dhe rifurnizuar nga TAP –i (informacion i dhënë në kauder të sqarimeve për pikën e mësipërme, Aneksi 5.1 i aplikimit)*
- ix.** Dëshmi të kontratave/angazhimeve për transportin e gazit. **Plotësuar.** *Subjekti ka dhënë informacion në kuadër të sqarimeve sipas pikës (ii) dhe (vi) me lart.*
- x.** Kërkesat e pritshme për hyrje prej palëve të treta ose çdo kërkesë e pritshme për përjashtim nga e drejta për hyrje e palëve të treta, sikurse çdo vendim i dhënë më parë për përjashtim prej detyrimit të dhënies së të drejtës së hyrjes për infrastrukturën e reja sipas ligjit Nr. 102/2015 "Për Sektorin e Gazit Natyror". **Plotësuar.** *TAP ndër të tjera bën me dije se është përjashtuar nga kriteret për Aksesin e Palëve të Treta, Rregulloret e Tarifave dhe Ndarja e Pronësisë sipas Vendimit të Komisionit Europian të datës 16 maj 2013 për përjashtimin e gazsjellesit Trans Adriatic nga kërkesat e aksesit të palëve të treta, rregulloret e tarifave dhe ndarjen e pronësisë, të përcaktuara në Nenet 9, 32, 41(6), 41(8) dhe 41(10) të Direktivës 2009/73/KE. Të tre entet rregullatore të Vendeve Pritëse të Gazsjellesit TAP, përkatësisht RAE (Greqi), ERE (Shqipëri) dhe ARERA (Itali) kanë miratuar Opinionin e Përbashkët të Tre Rregullatoreve të Energjisë për Aplikimin për Përjashtim të TAP AG ('Opinionin i Përbashkët Perfundimtar),*
- xi.** Lidhjet ndër – kufitare dhe parametrat e operimit në vendet fqinje. **Plotësuar.** *Subjekti ka dhënë informacionin përkatës lidhur me të dhënat për lidhjet ndërkufitare me kufirin greko-shqiptar dhe me atë Italian.*
- xii.** Marrëveshjet operationale të balancimit. **Plotësuar.** *Subjekti ka dhënë informacion mbi marrëveshjet e pritshme operationale të balancimit. Përfshirë marrëveshjen me OST Shqiptare Alb gaz.*
- xiii.** Burimi i synuar dhe procedura e prokurimit të gazit natyror të nevojshëm për balancimin e Sistemit të Transmetimit. **Plotësuar.** *Subjekti ka bërë me dije se do të hyjë në Marrëveshje operationale , e cili do të jetë pjesë e interkonjeksionit në të ardhmen dhe se procedura e prokurimit të gazit natyror për qëllime të balancimit nuk është*

përcaktuar ende nga TAP-i. Informacioni rreth Balancimit të sistemit të Transmetimit ka referencë në Aneksin 10 të Projekt Kodit të rrjetit të Tap-it i cili gjendet bashkëlidhur Aneksit 5.1.

- xiv.** Aftësia për lëvizjen në kah të kundërt. **Plotësuar.** Subjekti ka dhënë sjpjegime rreth *Rrjedhjes së kundërt Fizike*, në Aneksin 5.5 të projekt Kodit të rrjetit të TAP.
- xv.** Punët e Aplikantit për (a) zgjidhjen teknike të propozuar (b) vlerësimin e ndikimit mjedisor (c) vlerësimin e kostos (d) parashikimet ekonomike duke përfshirë mënyrat e financimit të cilat justifikojnë planin e biznesit për projektin e Transmetimit të gazit natyror të përgatitura nga një shoqëri e specializuar inxhinjrike. **Plotësuar.** *Subjekti bën me dije se vlerësimi mbi koston në mjedis dhe vlerësimi i kostove gjendet në aneksin 2.5. Përsa i përket dispozitave ekonomike duke përfshirë mënyrat financiare që justifikojnë planin e biznesit, reference pika 6 e nenit 9 (1) (e) sa me sipër dhe Kodin tarifor TAP në Aneksin 4.10.*
- xvi.** Programin e punës për zbatimin e projektit dhe jeta e pritshme e projektit. **Plotësuar.** *Programi i punimeve të projektit dhe të dhënat e operacioneve komerciale janë dhënë bashkëlidhur Aneksit 5.6.*
- xvii.** Planet vjetore të investimit për përmirësimin, zgjerimin ose modifikime të tjera të Sistemit të Transmetimit për një periudhë jo më pak se 5 vjet prej datës efektive të Licencës në përputhje me legjislacionin në fuqi. **Plotësuar.** *Subjekti ka dhënë sqarimet përkatëse duke referuar në vendimin për përjashtimin e TAP AG nga aksesit i palëve të treta sipas nenit 22 të Direktivës së Tretë të Gazit të BE-së nr. 73/2009, për një periudhë 25 vjeçare. Si të tillë ka konsideruar se kjo kërkesë e rregullores nuk aplikohet për TAP AG.*
- xviii.** Programi i parashikuar i mirëmbajtjes së Sistemit të Transmetimit. **Plotësuar.** *Subjekti ka dhënë informacion në lidhje me marrëveshjet e mirëmbajtjes, planit të mirëmbajtjes së Tap.*
- Referuar nenit 5 të Rregullores për **“Procedurat dhe afatet për dhënien, modifikimin, transferimin, rinovimin dhe heqjen e licencave në sektorin e Gazit Natyror”**; kohëzgjatja e vlefshmërisë së një Licence të lëshuar në përputhje me nenin 4 sipas kësaj Rregulloreje për ushtrimin e aktivitetit të transmetimit të gazit natyror, do të jetë për një periudhë prej 30 vitesh. Afati i aplikueshem për Tap AG është i lidhur me Vendimin e përjashtimit të aksesit të palëve të treta siç cituar më lart në relacion. Afati ky i caktuar për një periudhë prej 25 vjet.
 - Licencim i TAP AG ka për qëllim vazhdimësinë normale të punës në tregun e gazit natyror të këtij subjekti. Nga ana tjetër i gjithë procesi i shqyrtimit të këtij aplikimi është kryer në përputhje me **“Rregulloren për procedurat dhe afatet për dhënien, modifikimin, transferimin, rinovimin dhe heqjen e licencave në sektorin e Gazit Natyror”**.
 - Referuar Opinione të Përbashkët Përfundimtar (Final Joint Opinion), miratuar me Vendimin nr.64, datë 13.06.2013 të Bordit të ERE-s; dhe miratimit të përjashtimit të

kushtëzuar të kompanisë TAP- AG prej kërkesave të neneve 9, 32 dhe 41(6), (8) dhe (10) të Direktivës 2009/73/EC për projektin Trans Adriatik Pipeline”, miratuar me Vendimin nr. 64, datë 13.06.2013, të Bordit të ERE –s “Për amendimin e Vendimit të Bordit të Komisionerëve të ERE, nr. 27, datë 1.03.2013 , përcaktohet përjashtimi i sipërcituar për një periudhë prej 25 vjet.

- Subjekti TAP AG ka paraqitur brenda afateve dokumentacionit e kërkuar në bazë të nenit 11 pika 1 të “*Rregullores për Proçedurat dhe Afatet për dhënie, Modifikimi, Transferimi, Rinovimi ose Heqjen e Licencave në Sektorin e Gazit Natyror*”.

Për gjithë sa më sipër, Bordi i ERE-s

Vendosi:

1. Të licencojë në aktivitetin e transmetimit të gazit natyror, Trans Adriatic Pipeline AG Albania, e rregjistruar pranë QKB, si Degë e shoqërisë së huaj aksionare (sh.a), Trans Adriatic Pipeline AG, për një afat 25 vjeçar, nga data e fillimit të operimit.
2. Jo me vone se 12 muaj nga fillimi i operimit të gazsjellësit, shoqëria të paraqes në ERE dokumentacionin e plotë që tregon titujt e pronësisë mbi asetet që ka për të kryer funksionet ose plotësuar detyrimet nën licencën e kërkuar në territorin e Shqipërisë.
3. Në rastin e mospërmbushjes së këtij kushti nga ana e subjektit, ERE rezervon të drejtën e rishikimit të këtij vendimi.
4. Drejtoria e Licencimit dhe Monitorimit të Tregut, të njoftojë palët e interesuara për Vendimin e Bordit të ERE-s.

Ky vendim hyn në fuqi menjëherë.

Ky vendim botohet në Fletoren Zyrtare.

Ky vendim mund të ankimohet në Gjykatën Administrative Tiranë, brenda 45 ditëve kalendarike nga botimi në Fletoren Zyrtare.

KRYETAR NË DETYRË

Adriatik BEGO